


叢書集成三編

八六

新文豐出版公司 印行

叢書集成三編 第八六冊目錄

史地類



學術家別傳

先府君事畧一卷……………清 焦廷琥撰……………焦氏台 大 〇八六 〇〇一
嚴幾道年譜一卷……………王遽常著……………侯官嚴氏 〇八六 〇二九

釋道別傳

憨山老人年譜自敘實錄二卷……………明 釋德清撰……………嘉興譚氏 中研所 〇八六 〇六七
曹溪中興憨山肉祖後事因緣一卷附東遊集法語一卷……………譚默貞述疏……………嘉興譚氏 中研所 〇八六 一四一
譚新嘉輯……………

忠義別傳

張元着先生事畧一卷……………清 黃宗羲著……………梨洲遺著 〇八六 一六一
鄭成功傳一卷……………清 黃宗羲著……………梨洲遺著 〇八六 一六五
賜姓始末一卷……………清 黃宗羲著……………梨洲遺著 〇八六 一七七

名臣別傳

周益國文忠公年譜一卷附周益國文忠公集卷首……………清 周 綸撰……………周益國中研所 〇八六 一八三
歷仕錄一卷……………清 王之垣撰……………王漁洋中研所 〇八六 二二五
洪忠宣公年譜一卷……………清 洪汝奎輯……………四 洪東海 〇八六 二三九
洪文惠公年譜一卷……………清 洪汝奎輯……………四 洪東海 〇八六 二六五

洪文安公年譜一卷

清 洪汝奎輯

四 洪東

海 〇八六 二八七

洪文敏公年譜一卷

清 洪汝奎輯

四 洪東

海 〇八六 三〇七

陳祠部公家傳二卷

清 陳揆撰

幾 亭台

大 〇八六 三四三

明翰林學士當塗陶主敬先生(安)年譜一卷

清 夏忻撰

景紫堂

〇八六 三七七

官吏別傳

運使復齋郭公言行錄一卷

元 徐東輯

委宛續

〇八六 三九九

畢少保公傳一卷附錄一卷

蔣平階傳

明季遼事

〇八六 四一五

文學家別傳

元遺山先生年譜二卷

清 凌廷堪撰

九金人集

〇八六 四三一

元遺山先生年譜一卷

清 施國祁撰

九金人集

〇八六 四六五

吳漁山先生年譜二卷附墨井集源流攷一卷

陳垣撰

勵耘

〇八六 四七五

后妃別傳

明懿安皇后外傳一卷

清 紀昀撰

峭帆樓台

大 〇八六 五〇七

婦女別傳

吳太夫人(董金鑑母)年譜三卷續一卷

清 董金鑑撰

董氏台

大 〇八六 五一七

母德錄一卷附端敏公集卷首上(堪誤表)

清 袁世威撰

袁氏家集

〇八六 五七三

李姬傳一卷

清 人撰闕名

說庫

〇八六 五八七

(歷史之部)

年表

Wt 50/06

古史考年異同表二卷有後說……………清 林春溥撰……………竹柏山房 ○八六 五九三

歷代編年

竹書紀年補證四卷有後案……………清 林春溥撰……………竹柏山房 ○八六 六四一
竹書紀年集證五十卷首一卷(上)自卷一至四……………清 陳逢衡撰……………陳 氏 台 大 ○八六 六九七

先府君事略

本書承國立臺灣大學總圖書館借用影印

謹此

致謝

新文豐出版公司 謹啟

先府君事略

府君姓焦氏

諱循

字理堂

一字里堂

晚號

里堂老人世

居江都黃珪橋分縣為甘泉人先世或云自山左來未
有徵也明初居江都東鄉八港口祖望武公遷於城北
澗城壩之西是為北湖始祖望武公再傳至廣公始遷
下莊廣公生有公有公生鼎公鼎公生東湖公東湖公
諱遷有厚德舊譜云去世久遠聲名猶在口碑五世祖
仰湖公諱文科行三掌江都刑掾未嘗受人一錢六
世祖震鳴公諱明暢行二與諸弟析居既而諸弟疑其
產厚索承分田補之公即如所索不校先高祖父文生

公諱源行五江都邑學生娶下孺人卞家故饒且能詩
工書畫時文生公與諸兄同居諸姉嫉下孺人奩厚迫
之析爨而遺以先債孺人盡以釵珥償債與文生公躬
耕自給並徵高壽子孫林立家業復舊時以錢穀周卹
諸姪不念舊憾親戚鄉黨至今奉為家範文生公深於
易學有讀易圖先曾祖父鑑于公國學生諱鏡行二嘗
元旦遇無賴子於塗辱之毀其冠公歸易冠而出逾日
無賴子自愧造門謝公念其貧厚給之娶王孺人為明
王吏部納諫之元孫女先祖父佩士公諱葱並聞外家
易說以咯血應小試一次即納粟為太學生府君嘗語

不孝云汝祖父承祖遺田八九百畝以施故家中落不

懈也貸者不能償則還其券佃戶貧者減其田租有戚
謝姓貸稻二百担將賣屋昏夜至曰吾負債他人皆利
子錢惟君否君幸即偕去取質少遲他人得矣汝祖父
艱然曰君奈何以祖遺宅償債我豈逼人賣屋錢也卒
不取家既中落復屢值荒歲乃稱貸於人將如期賣田
以償適戚有喪悵然曰吾尚有田賣不可使親戚無所
殯分而予之汝祖父性情和易無疾言厲色間有橫逆
至受而不報口不諧諛足不履非禮之地嘗偕人渡江
風大作舟幾覆同舟者曰未有方正如焦某而沈於江

事略

二

者吾輩可無恐也有樂生者善相人謂汝祖父兩目如
蠶眠法無子越十餘年樂生相之曰君兩目之蠶化為
紅色此厚德之證當得子已而果然汝祖父卒之前年
自筮之知數將盡啟笥取人所負之券燬諸火負於人
者償之曰不欲令子孫失忠厚之道蓋先後所燬嚴正
甫之券不翅數千金云行誼詳載府縣志並青浦少司
寇王蘭泉先生和所撰墓表歙縣孝廉方正程易田先
生瑞田所撰墓銘武進上舍臧在東先生庸所撰焦氏
世德記先王父娶謝孺人無子納殷孺人生子三人長
即府君次二叔父諱律前府君卒次三叔父名徵府君

嘗曰余幼年多疾謝孺人懷抱行十四夜不寐足盡腫婢媼請代孺人曰先姑在日望孫不得臨終以是爲憾今得兒敢諉諸乃輩乎余既隨孺人飲食起卧孺人教以書數口授毛詩及古孝弟忠信故事多置紙筆令臨寫字數十年猶記憶如在目也

府君初生之夕先王母謝太孺人夢僧道各十數人在門皆衣飾璀璨少時旌幟幢蓋擁導一人坐馬上標狀偉岸眉目雄秀須髯如戟若有所授太孺人顧衣承之太孺人寤而府君生

府君三歲時先王母謝太孺人抱之看門上春聯府君

事略

三

呼曰字錯矣太孺人察之果裁字誤作裁是日除夕春聯蓋新換者太孺人曰何以知之府君曰終日見此字今筆畫頓殊故知其錯於是太孺人遂口授唐人絕句詩

府君六歲受業於范秋帆先生先生授以詩辨別音韻府君八歲時尚未婚姻偶以拜壽往公道橋賓客甚多壁上詩有馮夷二字族曾祖績園公顧府君曰子能誦之乎府君曰余固能誦當不致讀馮爲縫耳或笑曰此百家姓馮陳褚衛之馮何誤耶府君笑不已曰吾嘗讀楚詞此字音皮冰切乃馮字也賓客大稱奇外大父太

學公阮廣堯先生卽以此深契府君遂結婚姻

乾隆己亥夏五月諸城劉文清公以侍郎督學江蘇按部至揚州府君年十七應童子試公課士簡肅惡浮僞之習試經與詩賦尤慎重用是試者甚罕府君勿從范秋帆先生學詩古文詞至是往試公取爲附學生覆試日公令教授金先生呼曰詩中用醞磨字者誰也府君起應之公視府君衣冠樸質顏色甚憚問二字何所本府君以文藪桃花賦對述其音義公大悅曰學經乎對曰未也公曰不學經何以足用蓋以學賦者學經府君嘗曰余之學經公之教也作感大人賦

事略

四

府君既入學讀書家塾先王父授以太極西銘正蒙及周濂溪全書辛丑壬寅專力於此甘泉姚雨田先生授徒於縣學崇聖祠闡說太極西銘之理府君往聽之一日偶舉宋儒張子厚之言云天地之始先未有人人固有化而生者時坐上之客詰之曰何近世之人不見有化生者姚無以答府君起而對曰張子之言是也易曰天地絪縕萬物化醇必絪縕乃能化故蛇蝎蚤蝨之屬必生於人跡不到之處人目不見之地人跡所到之處人目所見之地其氣已爲人所動不能絪縕矣且物所生之地著則氣易散藏則氣易聚洪荒之世山水木石

相混其爲地也大抵多叢雜攢坳而少寬平廣濶其氣易聚故人物由氣化而生後世人物既繁作息飛走既有以動其氣山水之界亦判寬平廣濶又無以藏其氣故但有形化而不見有氣化物有氣化人遂不見有氣化也四坐俱以爲善姚先生亦深以爲然明日徐君復乃問學於府君徐君字心仲

壬寅吉渭巖先生來主安定書院講席府君往謁先生勉以經學時興化顧超宗先生與府君同學其尊人文子先生以經學名府君就超宗先生問焉遂用力於經甲辰冬十月少宰謝金圃先生督學歲試揚州重經學

五

府君往試得拔取食廩餼

歲乙巳四月先王父卒九月先王母謝孺人亦卒時不

四歲不甚記憶嘗聞之先王母殷太孺人云汝三祖

姑歆聲似爾祖父汝父居喪時嘗於夢寐中聞而呼父

三叔父又語云汝父乙巳居喪自殮及葬八閱月

未一櫛沐飲食起卧不離喪次靈前一燈我從讀於旁

有時先卧聞夢寐中作哭聲謝孺人病痢便溺必審視

察形色以商諸醫孺人歿哀毀如前此我所親見也

先王父教子弟多格言府君謹錄之得二十八條又輯

先王父時文稿一帙屬汪孝嬰先生序之又乞青浦少

司寇王蘭泉先生爲作墓表

二叔父自舍其業爲親戚送老母幼子於晉歸來失業府君憂之百計爲復故業

府君有愧酪集自序其略云余弟季蕃十歲讀論語孟子數十字累日不能成誦乃改習貨殖尤茫然莫解也乾隆乙巳丁先人艱季蕃年已十二所業未定吾母憂之甚吾念貨殖全倚心計非敏黠者不能勝任愚可明柔可強惟在學問思辨之功呼弟問之弟亦不欲爲賈人是時父殯在堂乃於殯前授以諸經兼及屬文之法余性下急時大聲疾呼迫以板楚弟泣涕順受而請問

六

不衰三更風雨四壁蟲聲總帷吹起一燈如豆刺刺終夜聲爲之暗繼之以哭弟亦哭吾母聞之且起而哭迄今二十年思之愴然三叔父愧酪集後記云一夕徵讀書未熟兄怒擊血出沾衣徵讀未覺兄見之惻然棄板楚而泣先母爲裹創處且慰兄令徵讀如故乾隆戊申兄館郡城壽氏徵從讀家人待館穀以食兄不浪用錢歸時步行炎日中僱驢與徵騎三十年來恍然在目外甥裔榮與徵同學榮慧而徵鈍教徵益勤讀書不熟必先爲解說其義後分章畫段教以整讀碎讀分讀串讀之法又謂學貴善用思吾生平最得力於好學深思

心知其意八字學有輟時思無輟時也食時衣時寢時行路時櫛沐時便溺時凡不能學時皆當卽所學而思之授經義先依注疏詳解復集衆說博辨而折衷之有未解則反覆申明務使解而後已見所爲文佳喜形於色劣則怒命再作務欲得題解間有一二語得題解者必丹黃標出如其意改成之從容善導至老弗衰未見其性急也微不肖於兄之學不能窺其萬一然不致失先人之業者兄之教也見世有失學子弟其父兄多誘諸質劣嗚呼質之劣至微止矣使凡爲父兄者盡如吾兄之善教世尚有失學子弟乎 後記又云兄以父墓

事略

七

良方低法於幼房無子培之使高今年徵得子兄以弟遠館時審視幼姪命其母善撫之一日臍中出血命搽胭脂灰已愈猶恐未善詳書告徵命商之精於醫者府君嘗語不孝曰余與興化顧君超宗同入學已而同食餼明年余與超宗同丁大故超宗時時來湖中居半九書塾中抵足夜語里有與余不相能者各負氣相角超宗切責余曰奈何外用其神若此倘先下之彼出不意怨即解胸有此累何以爲學值怨家壽日超宗趨余往拜祝超宗蓋不徒益余學問而規正處已接物之道不愧直諒多聞也顧先生名鳳毛字超宗別字小謝

丁未府君館於壽氏之鶴立齋顧超宗先生以梅氏叢書贈府君曰君善苦思可卒業於是也是年爲用力算學之始

戊申顧超宗先生病歿於郡城王君思雷家府君嘗曰醫藥之煩棺衾哭泣之哀王君不以爲忌王君誠長者然是時府君實左右之且多方謀之未嘗自言也顧先生既歿府君作招亡友賦又作詩哭之

府君幼讀毛詩卽研求鳥獸草木蟲魚之學見陸佃羅願之書心不滿之思有著述創稿復易者三丁未館於壽氏復改定辛亥訂爲三十卷壬子至乙卯又改一次

事略

八

戊午春更刪之合爲十一卷以考證陸璣疏一卷附於末凡十二卷蓋已十九年稿易六次府君語不孝曰以今之所訂視草創之初十不存一雖他有撰述必兼治之歷喪荒疾病爭訟未嘗或輟嘗節錄數則質諸金壇段懋堂先生如黃鳥非倉庚方言合而爲一非爾疋義說文訓鱸爲鯉其物分而類則同者郭氏竟分鯉鯉爲二者非唐蒙與女蘿爲二物宜依毛傳以正爾疋瓜無紹之訓毛傳瓜紹也連上不絕貌言若曰不絕貌者瓜紹也懋堂先生以爲精確不可易

府君以歸熙甫論貞女之非也作貞女辨二篇上篇云

或謂古無貞女之名非也後漢書百官志三老掌教化凡有孝子順孫貞女義婦皆扁志其門以興善行然則今之旌表貞女自漢已然或曰古之貞女非今之貞女也魏書列女傳貢女兕先氏許嫁彭老生未及成禮老生逼之不肯從被殺詔曰雖處草萊行合古迹宜賜美名號曰貞女則貞女者非未婚夫死守貞不嫁之謂也嗚呼引是說者蓋讀書不廣矣劉向列女傳首列召南申女稱其許嫁於鄆夫家禮不備而欲迎之不肯往遂致之獄作詩曰雖速我獄室家不足兕先之事黷與此合故其時謂之合古跡以貞女號之列女傳又云衛宣

九

夫人者齊侯之女也嫁於衛至城門而衛君死入持三年之喪畢弟立請曰衛小國也不容二庖請願同庖終不聽作詩曰我心匪石不可轉也我心匪席不可卷也詩人美其貞一故舉而列之於詩此卽未婚夫死不嫁者也兕先合於中女之事得以貞女名世之未婚夫死不嫁者乃不容附諸衛宣夫人之列說者罪矣劉向爲魯詩學經之所傳漢儒之所重可知也下篇云古之貞女少今之貞女多何也古男女議昏晚聘與娶一時事如衛宣夫人者偶也今人齠齡議昏或遲五年或遲十年甚至二三十年聘與娶縣隔遠其中死亡疾病自不

能免且古之昏禮以親迎爲定故會子問未親迎以前或遭父母之喪可以再娶再嫁親迎在路聞壻之父母死則改服而趨喪又親迎之日已定而女死則壻服齊衰壻死則女服斬衰是古之夫婦以親迎爲定也今則不然國律許嫁女已報婚書及有私約而輒悔者笞五十雖無昏書但曾受聘財者亦是一報婚書受聘財而上以之聽民訟下以之定姻好不必親迎而夫婦定古定以親迎未親迎而夫死嫁之可今定以納采則納采而夫死嫁之不可也禮曰生乎今之世反古之道當必逮夫身吾爲議貞女者危之

十

或以割股爲愚孝府君作愚孝論云李氏之子以親疾割股肉至於死或謂其愚且詆其非焦子稱之何也稱其愚也割股之爲愚不獨智者知之愚者亦知之余嘗與湖蕩中絕不知書之人語說及此皆知割股愚孝不可爲李氏之子居郡城素讀書其知之當更過於湖蕩中諸無識者一旦臨親之疾而行之自若向所知爲愚者固忘之其忘之何也心一於親不知其愚亦不知其爲不愚也蓋常足時爲之親者奄息欲絕呻吟在牀求之醫藥弗效求之鬼神亦弗效苟有可以活親者無弗爲也斯時之可以活親者誠舍割割之事別無所出而

且傳之故老載諸東篇者皆刺刺稱其效之如響奈何以其愚不一試之且以是爲愚必反是行其智矣處人倫之中可以智乎必依於古仿於經以自著其學則至性之地而已出之有心有心行之雖不愚不必卽爲孝無心行之雖涉於愚不得謂之非孝李氏之子謂之孝而愚可也謂之愚而非孝不可也世有好貨財私妻子不養其父母斯爲忘親而好利夫忘親而好利不如好名而不忘親好名而不忘親不如忘名而不忘親李氏之子可以風矣或以其敝風俗壞人心將欲使天下之人忘其親而用其智與余恐邪說之惑人急爲論而明

事略

十二

之

或問府君曰居三年喪未卒哭而死以斬綬殮禮與府君曰非禮也父母之喪三年以凶服殮是無除服之時也死則侍親地下矣可凶服侍乎

府君於陽明之學剛發極精作良知辨云歲丁巳授徒村中有以朱陸陽明爲問者案數百年來人宗紫陽自陽明表章陸氏而良知之學復與朱子相敵邇講漢儒之學者又以朱陸王並斥而歸諸佛老余謂紫陽之學所以教天下之君子陽明之學所以教天下之小人紫陽之學用之於太平寬裕足以爲良相陽明之學用之

於倉卒苟且足以成大功人心之分邪正而已矣世道之判善惡而已矣正則善善則事上順事親孝事長恭至若行其所當然復窮其所以然誦習乎經史之文謀求乎性命之本此惟一二讀書之士能之未可執顯愚頑梗者而強之也良知者良心之謂也雖愚不肖不能讀書之人有以感發之無不動者陽明以浙右儒生削平四省之盜本以至誠發爲忠憤麾其所部獨入險阻而會剿之兵始以寬圍掣肘者至是亦踴躍協力方其謫龍場也諸苗奉之日與說愛親敬長而諸苗皆然其說其所驅而戰也則知府知縣及降附之賊而皆用命

事略

十三

自橫水始至斷藤峽止大小百數十寨所至無不摧破余讀文成全集至檄利頭諭頑民札安宣慰及所以與屬官謀告士卒者無浮辭無激言真能以己之良心感動人之良心夫會勦之大吏未易合也府縣文官儒書生也黃金龍川諸賊新附未可信也苗民性之至野者也土司宣慰強梗難服也安仁三邑頑民抗之有年也當是時從容坐論告之以窮理盡性之學語之以許鄭訓詁之旨可乎牧民者苟發其良心不爲盜賊不相爭訟農安於耕商安於販而後一二讀書之士得盡其窮理格物之功孔子曰民可使由之不可使知之子夏曰

雖曰未學吾必謂之學矣此之謂與天下讀朱子之書
漸磨瑩滌爲名臣巨儒其功可見而陽明以良知之學
成一世功效亦顯然然則爲紫陽陽明之學者無容互
訾矣

歲庚戌胡希呂侍郎歲試揚州已試詩古矣以能者少
令學師各舉所知李胥生教授乃舉府君試稻孫及九
方歎相馬兩賦擢置第一壬子科試侍郎於講書前一
日論士子各陳語孟中獨得之見次日於講堂面相問
難府君以夏時解進越數日應優生試復發春秋三傳
疑滯十數條詩古試山童隔竹敲茶曰賦試既竣於閤

事略

十三

郡選取十人進署各試以文藝府君是日作試帖十首
並蒙稱獎贈以手書洛神賦小楷石刻癸丑歲試講書
前一日又以孟子千歲日至解進稱獎如前乙卯二月
科試府君在青州侍郎猶諄諄問府君不至故秋歸錄
遺侍郎以時文體製源流問策府君暢書之凡千二百
言侍郎又深賞之府君教子弟學賦必本唐人格律有
唐賦選一卷

庚戌府君館於深港卞氏地瀕江多茂林修竹無往來
之煩日坐小齋窮核禮經撰羣經宮室圖二卷凡九類
曰城曰宮曰門曰屋曰社稷曰宗廟曰明堂曰壇曰學

爲圖五十篇是冬自泰州歲試歸吐血七日每吐盆許
乃不飲酒明年館於牛宅牛故揚州司馬居郡城以詩
酒自娛好賓客府君以病軀時時體中不佳就之識吳
縣周君采巖效其作工筆畫又明年館於郡城鄭氏
舅父阮芸臺先生督學山左招府君至東昌乙卯正月
府君由東昌至臨清二月至濟南遊佛谷龍洞極登臨
奇峭之觀閏月至青州三月至登州登蓬萊閣作登州
觀海記四月由萊州復回濟南五月歸揚州有遊山左
詩鈔一卷

事略

十四

乙卯冬芸臺先生督學兩浙府君客杭州丙辰之春渡

錢塘由山陰四明至甬東訪萬氏遺書不孝隨侍左右
六月不孝患濕幾危府君送不孝吳中就醫歸家一月
府君復爲金衢之遊冬十二月歸有遊浙江詩鈔一卷
府君自山左歸閱梅徵君弧三角舉要環中忝尺及戴
庶常勾股割圓記謂梅書撰非一時繇複無次敘戴書
務爲簡奧變易舊名恒不易了乃撰釋弧三卷是年十
一月過吳門請益於錢辛楣先生不孝從焉辛楣先生
稱是書於正弧斜弧次形矢較之用理無不包法無不
備

丙辰府君上書於錢辛楣先生論七政諸輪辛楣先生

回書云推闡入微以實測之數假立法象以求其合尤爲洞徹根原府君以弧線之生緣於諸輪輪徑相交乃成三角輪之弗明法無從附也撰釋輪二卷

康熙甲子律書用諸輪法雍正癸卯律書用橢圓法府君以實測隨時而差則立法亦隨時而改撰釋橢一卷加減乘除釋草創於甲寅之秋丁巳府君課徒村中讀劉氏徽之九章算術注及孫子張邱建諸算書謂劉氏徽之注九章算術猶許氏慎之撰說文解字講六書者不能舍許氏之書講九章者亦不能舍劉氏之書九章不能盡加減乘除之用而加減乘除可以通九章之窮

取舊稿增損之成加減乘除釋八卷

府君交吳中李尚之先生歙縣汪孝嬰先生商論算學自謂得朋友切磋之益是時李仁卿秦道古之書兩君未之見也乙卯府君在浙得益古演段測圓海鏡兩書急寄尚之先生尚之先生爲之疏通證明府君又得秦氏所爲數學大畧因撰天元一釋二卷開方通釋一卷以述兩家之學尚之先生敘云此書於帶分寄毋同數相消之故條分縷析發揮無復餘蘊蓋自李樂城郭邢臺之後爲此學者皆未如里堂如此之妙也

壬戌春府君在京師孝嬰先生寄一書來甚言秦李兩

之非而剖析其可知不可知尚之先生作開方三例以明之或語孝嬰先生曰李君有不滿於子者以是幾構隙癸亥秋府君家居孝嬰先生走馬來湖中對飲於豆花菴語間謂府君曰或謂尚之謂吾所著書者有之乎府君因出尚之先生所爲衡齋算學跋與之並語以尚之先生作開方三例之故孝嬰先生怡然曰尚之固不我非也因謂府君曰子亦爲我序之復走馬去孝嬰先生作北湖訪焦圖秦李之學所以復明者府君與汪李兩先生證訂之力也

前年戊寅冬府君謂不孝曰李樂城之學余既撰天元

一釋以闡明之而測圓海鏡益古演段兩書不詳開方之法以常法推之不合讀者依然溟滓黯黹莫窺彷彿余得秦道古數學九章有正負開方法因作開方通釋詳述其義汝歲杪無事可列益古演段六十四問用正負開方法推而祿之因以同名相加異名相消用超用變之法詳示不孝不孝乃知以秦氏之法讀李氏之書布策推祿一一符合六十四問每問皆詳畫其式府君喜曰得此而演段可以讀矣卽命名曰益古演段開方補且曰可附學算記之末

學算記既成請政於阮芸臺先生先生謂是書會通中

西兩家之長不主一偏之見又云不屑屑舉夫數而數之精意無不包簡而不遺典而有則

談階平凌仲子兩先生皆長於算與府君互相證訂壬戌府君會試入都衢州戴金溪先生亦相與論訂天元

一術

府君嘗稱以凌仲子先生李尚之先生汪孝嬰先生爲論天三友凌李兩先生皆先後沒歲癸酉孝嬰先生去世其高弟胡竹村舍人以書來屬府君作傳府君竭十日之力細讀衡齋算學掇其菁英撰別傳一篇今府君溘逝不孝於府君之學不能窺測涯涘茫無發明傷哉

痛哉

庚申府君復遊浙辛酉之春回揚州送

不孝

至泰州院

試是年三叔父及

不孝

皆入學府君在泰州一月手錄

王曉菴遺書三冊計十四卷府君嘗謂曉菴算學過於梅氏梅書刻行故知者多曉菴書未刻有寫本藏於湖州施氏府君借而錄之所寓之地卽爲陳曙峰太史之會心樓亦佳話也

辛酉府君舉於鄉壬戌入都會試謁座師英煦齋先生先生見府君甚喜曰吾知子之字里堂江南老名士屈抑久矣考試不必趨風氣主司好尚之不同往往至於

相反莫如據已之所學而自用之一聽人之去取庶不失乎已耳府君平昔每持此論至是益自信

先是戊申鄉試二場府君夢一卒持刺來視之字徑半寸許曰年愚弟章世純是時府君年二十六銳於進取或曰刺字稱年今科必中式矣乃越十有四年辛酉科始獲鄉舉府君年三十九始悟章柳州亦辛酉舉人夢之奇驗無過於此然柳州終不成進士以縣令終府君仕進之心亦從此澹矣

府君壬戌夏自都中歸阮芸臺先生以書來招之往浙問以古三江之說府君曰鄭氏三江之注合於班氏今

人所輯之鄭注取自初學記者非鄭注也先生以爲然是冬十月從浙江歸來撰禹貢鄭注釋一卷專明班氏鄭氏之學於班曰志於鄭曰注而以禹貢水經山水地澤所在一篇條列而辨之

府君閱王伯厚詩地理考苦其繁雜無所融貫癸亥家居撰毛詩地理釋四卷

府君嘗善東原戴氏所著孟子字義疏證於理道天命性情之名揭而明之如天日而惜其於孔子一貫仁恕之說未及暢發甲子秋撰論語通釋一卷凡十二篇曰聖曰大曰仁曰一貫忠恕曰學曰知曰能曰權曰義曰

禮曰仕曰君子小人

乙丑正月鄭君耀庭勸府君入都會試府君作書荅鄭君云昨舍弟道及足下厚誼怪弟今歲不赴公車且爲籌行李之資尤爲感激涕零但循不北行之故實有苦心壬戌正月北行家母送至舟中舟已過橋甚遠望見吾母尚立岸側翹首而望心甚悽惻五月歸家母甚歡及秋間往浙與母別家母則曰歸家才兩月又行吾近年多病正不似往年強健矣明日上船家母以鮮鱸魚四尾盛水桶令婢攜置船上家母曰恐路上澹泊可烹食爾時惻然留二尾在家帶二尾行旣行念念在心遂

事略

十九

屢思歸故冬月歸來決意家居訓蒙不復作遠遊計矣去秋受濕氣以致尻內脹痛呻吟痛楚者四十餘日家母時以爲憂近雖安好神色未健一旦遠行兩地懸挂此實弟不出之苦心非樂安佚而輕仕進也是年四月先王母殷太孺人病醫藥罔效十月去世府君語不孝口向使吾竟北行豈非終天之痛與

府君以乙丑十二月初六日祔葬殷太孺人於先王父謝孺人合窆之穴歛縣孝廉方正程易田先生撰墓銘易田先生所著九穀考府君嘗手錄之府君撰官室圖學算記成必就正於先生先生著通藝錄每刻一卷亦

必寄府君互相證訂壬戌府君在浙與先生同處數月先生出所著喪服足徵記府君以十日之力讀之歎其精善嘗曰著書不易讀書亦不易

歲乙丑府君養病家居博覽詞曲作劇說六卷

先高祖父文生公研求易學數十年傳至先王父學易不輟府君幼年卽好易嘗疑一號咷也何以旣見於旅又見於同人一拯馬壯也何以旣見於復又見於明夷密雲不雨之象何以小畜與小過同辭甲庚三日之占何以蠱象與巽象相例乙巳丁先王父母憂輟舉子業乃徧求說易之書閱之撰述成帙嘉慶九年授徒家塾

事略

三十

復精研舊稿更悟得洞淵九容之術實通於易乃以數之比例求易之比例作通釋一書卽名注易之室爲倚洞淵九容數注易室又數年書尙未就

丙寅汪孝嬰先生館於郡城汪氏府君館於鄭氏相去甚近府君時以易義相證訂丁卯三月府君遭疾幾殆昏臥七日醒來惟稱雜卦傳一篇往來於心他無所記也庚午又改一過辛未春正月誓於先聖先師盡屏他務專理此經日坐一室終夜不寐又易稿者兩度癸酉二月自立一簿以稽考所業乃成通釋二十卷自謂所悟得者一曰旁通二曰相錯三曰時行旁通者在本卦

初與四易二與五易三與上易本卦無可易則旁通於他卦亦初通於四二通於五三通於上先二五後初四三上爲當位不俟二五而初四三上先行爲失道易之道惟在變通二五先行而上下應之此變通不窮者也或初四先行三上先行則上下不能應然能變而通之仍大中而上下應如乾四之坤初成小畜復失道矣變通之小畜二之豫五姤二之復五復初不能應姤初則能應小畜四不能應豫四則能應坎四之離上成井豐失道矣變通之井二之噬嗑五豐五之渙二豐上不能應渙上則能應井三不能應噬嗑三則能應此所謂時

行也比例之義出於相錯如睽二之五爲无妄井二之噬嗑五亦爲无妄故睽之噬膚卽噬嗑之噬膚坎三之離上成豐噬嗑上之三亦成豐故豐之口夙卽離之日夙豐之日中卽噬嗑之日中漸上之歸妹三歸妹成大壯漸成蹇蹇大壯相錯成需故歸妹以須之卽需也歸妹四之漸初漸成家人歸妹成臨臨通遯相錯爲謙履故眇能視跛能履臨二之五卽履二之謙五之比例也易通釋既成復提其要爲圖略八卷凡圖五篇原八篇發明旁通相錯時行之義論十篇破舊說之非府君素患足疾至此連月疊發意殊倦乃僅以通釋圖略節錄

大略請教於阮芸臺先生乙亥先生有書來索見完本府君因取章句草稿手葺之凡五閱月成章句十二卷是書之成凡數十年專力於此者亦十餘年然而府君之心血已耗矣

易學三種既成阮芸臺先生札來云昔顧亭林自負古音以爲天之未喪斯文必有聖人復起未免太過茲之處處從實測而得聖人復起洵不易斯言矣昨張古愚太守持去讀之亦極詫極歎也

丙子冬府君以易學郵寄入都請政於大家宰英煦齋先生乙亥夏煦齋先生以敘文寄來敘中稱是書發千

事略

三

古未發之蘊言四聖所同然之言又來手札云雕菰樓易學原本經文疏通引證使全易無剩句閒字已卯又手臨趙孟頫所書說卦傳五十六字並集蘇長公句手植數松今假益夢吞三畫舊通靈以贈府君

王伯申先生手札云奉手書示以說易諸條繫破混沌掃除雲霧可謂精銳之兵矣一一推求皆至精至實要其法則比例二字盡之所謂比例者固不在他書而在本書也

府君撰易學多因聲音假借而引申之如豹豹爲同聲與虎連類而言則借豹爲豹與祭而言則借豹爲豹沛